



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtd@jtbd.ba

Broj: T18 0 KT 0016536 22
Brčko, 27.12.2022. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

MIROSLAVA TOMIĆA ... rođen ... 1990. godine u Brčkom [...]

Što je:

1. Dana 27/28.09.2022. godine, u noćnim satima, u mjestu Dubrave bb, Brčko distrikt BiH, u namjeri pribavljanja protivpravne imovinske koristi, svjestan da oduzima tuđe stvari, došao do ugostiteljskog objekta „108“, vlasništvo N. T. i bacanjem kamena razbio staklo na prozoru objekta, te upotrebom fizičke snage izvršio podvaljivanje prozora, koji se nalazi na visini od oko 210 cm sa bočne strane objekta, pri čemu je koristio drvene merdevine, pa je jednom nogom zakoračio u unutrašnjost objekta na poker aparat ispod prozora, nakon čega se aktivirao protivprovalni alarm, te kada je primječen od strane vlasnika, udaljio se sa lica mjesta, pri čemu nije završio započeto djelo,

dakle, provaljivanjem da dođe do stvari iz zatvorenih prostorija, pokušao oduzeti tuđu pokretninu drugome s ciljem da njenim prisvajanjem pribavi sebi protivpravnu imovinsku korist,

2. Od neutvrđenog perioda pa do dana 30.09.2022. godine, u mjestu Dubrave, Brčko distriktu BiH, svjestan da je zabranjeno držanje eksplozivnih materija, suprotno odredbi člana 6 tačka a) alineja 6 i člana 7 stav (2) Zakona o oružju i municiji Brčko distrikta BiH, neovlašćeno držao ručnu bombu, nepoznate proizvodnje, čija nabavka i držanje građanima uopšte nije dozvoljena, a koja je pronađena u pomoćnom objektu sa zadnje strane dvorišta u radnoj mašini tzv. „mješalici“, prilikom pretresanja od strane policijskih službenika koji su postupali po naredbi Osnovnog suda Brčko distrikta BiH od 30.09.2022. godine,

dakle, neovlašćeno držao eksplozivne materije čija nabavka građanima uopšte nije dozvoljena,

čime je pod tačkom 1. učinio krivično djelo –Teška krađa- u pokušaju iz člana 281 stav (1) tačka 1) u vezi sa članom 28 Krivičnog zakona Brčko distrikta BiH, a pod tačkom 2. učinio krivično djelo – Nedozvoljeno držanje oružja ili eksplozivnih materija- iz člana 365 stav (1) Krivičnog zakona Brčko distrikta BiH.

[...]

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
